



Universitätsbibliothek Paderborn

Acta Ecclesiae Mediolanensis

Actorvm Ecclesiae Mediolanensis, Pars Tertia - In Qva, Liber Memorialis Ad
populum Ciuitatis, & Dioecesis Mediolanensis, A Beato Carolo Borromaeo
Titvli Sanctae Praxedis compositus continetur

Borromeo, Carlo

Brixiae, 1603

Quæ Ormanetus egit in administratione ecclesiæ Med. cap. 7.

urn:nbn:de:hbz:466:1-10502

vibusq; coñiuere; tum eius amplitudine, potestateque indignum erat; tum futurę etiam administrationi nō mediocriter incommodum: quę ex se ueris, acribusq; initij multo facilior ei futura erat; quemadmodum exitus comprobauit.

Qua Orma-
net⁹ egit in
adminis-
tratione eccl-
esie Med.
CAP. VII.
1564.

In suam igitur administrationem ingressus Ormanetus mense Iulio anno à salute M. D. LXIII. quid egerit breuiter attingendum puto: ut cuius adificij ratio latius hoc libro describēda est; eius quo modo iacta sint fundamenta prius ostendam. Ac primò quidē pręcipua quedam capit tantummodo, ad vitia coercenda, ecclesiasticamq; disciplinam restituendam, prudenter aggressus est; eaq; fe re Cōcilij Tridentini auctoritate sancta; quibus qui resisteret, non ita facile, vel nullo modo potius posset excusari. nam & Philippus Rex, ac Mediolani Dux omnibus prouinciarum suarum Prefectis iusserrat; ut que Tridenti constituta erant, omnino seruari pro eorum facultate curarent; ecclesiarum Antitites, quibuscumque rebus possent, in ijsdem perficie dis iuarent; & prouinciae Gubinator Gabriel Couius Dux Alburcher chij, Senatusq; Mediolanensis, ad omnia in eo genere peragenda pie se paratos ostenderant. Primò igitur Ormanetus omnium Ambrosianę ecclesię clericorum synodum, paulo post aduentum suum contuocauit; ut Ecclesiarum ministros eorum conditionē, ac statum, tum ius habeendi sacerdotij recognosceret: ijs presentibus, quae ad vnum pertineret, deliberaret: quaeque seruanda essent, denūciaret: Habet vrbs Mediolanensis ecclesias animalium curatione insignitas, seu parochias ad septuaginta, alias octo, quae canonicotum collegijs coluntur. Extra vrbum vero sunt parochie & citer septingentæ, collegia multa. cumque à reliquis partibus haud late diœcesis pateat, quae spectat ad

Aquilonem; quamuis Comensis ecclesiae finibus ad viginti millia, & am plus partim teneatur, longe tamen etiam funditur ad regiones Verbani lacus: tum vero obliquo, longissimo quę tractu ad alpes pertinens, ad paſuum circiter centum millia ab vrbe progreditur; multumque earum regionum capit, quae sub Heluetiorum imperio sunt: ac montibus, vallibus, quę multis impedita, vias incommodas, atque asperas habet. Vrbis igitur, atque agri sacerdotibus conuocatis, qui numero fuere circiter milie ducenti, synodum habuit Ormanetus. in eo sacri Tridentini Concilij decreta publice recipi, fidemque catholicam singulos profiteri iussit: tū denunciauit; vnam cuique presbytero retinendam ecclesiam cum anima rum cura; & in illa ei residendum: ceteras vero quam primum dimetendas. de seminario clericorum constituendo egit; ynde ministri moribus, & doctrina idonei ecclesijs suppeditarentur. de honestate clericorum in vestitu, in habitacione, in consuetudine quotidiana; in quibus varie, graui terque peccabatur; nonnulla constituit. quibus de rebus tum decreta recitata sunt; tum Palmius grauissimas, liberasque cōciones habuit. Sacerdotes inde omnes qui passim antea nullo scientię facto periculo, nulloq; testimonio confessiones audiebant, eo munere interdixit; nisi prius, ab ipso essent probati; quod tempore ce dens, tunc quidem leniter fecit. Legitimas inquisitiones, approbationesque, de ijs qui sacris initiandi essent, restituere coepit. Vrbis partimque diœcesis ecclesias visit, & recognovit. quarū malis tamen plurimis, & grauissimis haud mederi plene poterat; tum ob idoneorū presbyterorū paucitatem; tum etiam ob sacerorum vectigaliū tenuitatē; quae magnis pensionib⁹ detractis, diminuta, atq; adeo, exinanita erant. Hæc omnia licet tū veterum,

veterum, tum Tridentini Concilij canonum sanctionibus constituta essent; nonnulli tamen, ut est eorum cœcitas, qui in prauitate sunt obfirmati, pertinaciter recusare; publicè reclamare; Vicarium, & concessionatorem accusare, ad Senatum cofugere; de procuratore mittendo, nunc Romam ad Pontificem, nunc in Hispanias ad Regem, dictitare: secretò etiam per literas absque nomine scriptas Vicario minari; aliaq; tum absurdè, tū im probè tētare. Sed hęc licet magnam religioso Vicario molestiam exhiberent; illum tamen à partibus suis fortiter agēdis minimè deterrere potuerunt. Seminarij cauſa, quamquā Tridentino decreto sumptus ex sacris facultatibus suppeditandi erant; quia tamen clero vix quidquam adhuc extorqueri poterat; quin etiam multi actis cōvēticulis, obstinatè optimo, & antiquo instituto repugnabat; Carolus necessariam pecuniam dari iusfit. Multa quoque fecit Ormanetus in disciplina virginum, quarum cœnobia in vrbe, ac diœcesi sex, & quadraginta Archiepiscopali auctoritate reguntur, restituenda. quæ quidem pluribus locis valde corrupta erat; tum in vita cōmuniter, æquabiliterq; agēdæ ratione; tū in ædibus vndiq; clausis habendis, & in admittendis ad collocutionem exteris. curavitque illas per probatos sacerdotes, qui a cōfessionibus essent, quiue ad eas concionarentur; tum etiam per alimentoru[m] subsidia ex Caroli pecunia suppeditata, ad religiosos mores, & ad spiritualia studia reuocare. Quo in genere multa executus ipse; Caroli auctoritate alios etiam Veronensis ecclesiæ presbyteros, & Ioānis Matthēi olim administratos accersiuit; quorum consilio, atque opera, tum in alijs; tum in hoc præcipue negotio vñus est: & per eos optima virginalis vita in cœnobis agendæ iecit fundamenta: idque ex Tridentini Concilij constitu-

tionibus; ex Veronenſis Ecclesiæ institutis; & ex ea, quæ iā in sancti Pauli cœnobia Mediolani ante vigebat, disciplina. Institutum illud fuit eodem tempore, quo Clericorum sancti Pauli Congregatio: eorumq; coniunctis, atque opera gubernatum fuit: de quo cœnobia Veronenses illi, quemadmodū nuper in eoru[m] literis ad Carolum legimus, testabantur; nullum se ad id tempus aliud nosse, quod omni vita religiosa disciplina, propius ad optimum, perfectumq; statum accederet. quare ex eo postea plures Carolus eduxit; & alijs monasterijs ad eorum mores corrigendos prefecit: ex quibus quædā adhuc in eo manere perseverant. libenter autem hęc bonorum virorum testimonia eō cōmemorau[im]. vt perpetuus sit; quemadmodum quidem valde cupio, virginibus illis stimulus perfectæ disciplinæ conseruandæ. Hęc vt Ormanetus consilio sacrorum hominum disciplinam primò correcturus; in populo, magistribusq; multa pro tempore dissimulabat; nē quid eius conatibus afferretur impedimenti. Ex ordine sacro qui videbantur religiosiores, eos ut fratres amantissime complectebatur; eorum exemplo, studijs, atque opera multa perficiebat; in literis ad Carolum collaudabat; ijsdemque gratias agi curabat: quod ille statim faciebat, atque humanissime. Sed Ducis quoque, prouinciae Gubernatoris, & Senatoris pietate non parum in multis adiutus est. ab eis si ecclesiastici homines præsidium peterent, nihil praeter officiosas ad Vicarium preces impetrabant. Ducis autem in primis religiosum animū, in eiusmodi pijs negotijs, valde solebat Ormanetus collaudare. inter alia referebat ad Carolum scribens: fauisse illum statim in instituto de testimoniis habitæ confessionis, & sanctissimæ Eucharistiæ acceptæ, tempore Paschatis afferendo: fami-

familiamq; suam id afferre iussisse. cū edicta quedam ad penuriam arcenda promulgaret; de eo, quod ad clerum pertineret, nihil attrigisse; Vicario totum sine controueria permisisse. Cō memorabat item, Franciscum Ferdinandum Aualum Marchionem Piscariæ, qui Mediolani tunc commorabatur, ita pijs eiusmodi institutis assensisse; vt si quis ex familiaribus peccata confiteri, atq; Eucharistiam sumere in ea Paschatis celebritate recusaret; eum è domo, & ex numero suorum exturbaret. Tam multa cum prestat Ormanetus, parum tamen proficere sibi videbatur: eximio enim erat ecclesiæ benè constituendæ desiderio, angebatur animi, quod dum in mandato sibi negotio progrediebatur, nouas semper incurrebat difficultates; nouosq; sibi excitabat aduersarios: vt illud ex Apostolo saepe proferre soleret, Verè neminem posse placere Deo, & hominibus: & illud, Nullam humane, prudenterq; agendationē ijs posse satisfacere, qui corrigi nolunt. quæ res faciebat, vt de suo discessu saepius Carolū rogaret; quamquam illud in primis in eo spestabat, vt ad parochiam suam Veronensem posset reuerti. dicebat verò, vt magis Carolum moueret; nemine tandem ullam ecclesiam regere, vt oportet, atque ordinare posse; præter eum, cuius est illud proprium, non autem mandatum munus; Atque cum in his omnibus Ormanetus, Plamij, sociorumque; tum Clericorum sancti Pauli consilio, atqué opera plurimum vteretur; ex Caroli tamen in primis non auctoritate solùm, quæ Pontificis benignitate latissimè patebat; sed etiam sapientia, lumine, atque ardore animi valde iuuari se in omni administratione sua bonus senex prædicabat: mirabaturque illum grauissimis occupationibus assidue distentum, longissimas tamen sua mudi Mediolanensis ecclesiæ rebus

literas scribere. Is verò piorum, doctorumque virorum cōsilium quadam Romæ sibi constituerat; in quo singillatim de Mediolanensibus negotiis cōsultaret. Sed Gabrielem Paleotum in primis, tunc ex Senatoribus, quos Rotæ dicunt Auditores, postea verò Cardinalē ab ipso Pio creatum, adhibebat; quem virum ob doctrinā, pietatem, & ecclesiastice administrationis insignem vsum, plurimi semper facit.

Carolus autē suum vrgere discessum non desistebat, ac de Episcoporum prouincia Mediolanensis Concilio, per antiquorem Episcopū saltem, si per se non posset, celebrando, omnino constitutum habebat; in quo sacris antiquis legibus nuper eo de genere Tridenti renouatis pareret; prouincia statum perfectius cognosceret: & de emendatione, constitutioneque rerum omnium; quæ opus erant; quæque iam magnam partem in animo habebat, auctoritate concilij plenè decerneret. At post moras, impedimentaq; varia, obtinuit à Pontifice tandem, quod diu cupiebat. Id vt honorificentius ei, atque facilius eueniret; non solūm Pontifex Legati dignitatem in Bononiensi ditione, prouincia Romandiola, ac Exarchatu Rauennæ contulit; quā antea quoque tenuerat: sed in tota quoque Italia Legatum à latere suo dimisit. Hic minimè alienum existimo, reliquos item Caroli honores, munera, facultatesque recensere; quibus, cum haberet, insignis fuit, & cum dimisisset, insignior. Cardinalis igitur, Legatus, idemq; Archiepiscopus noster; ecclesiæ non minus duodecim in varijs regionibus Abbatis, Cōmendatarij, ue nomine tenebat: & ecclesiæ S. Mariæ maioris Vrbis erat Archipresbyter. Amplas pensiones varijs in prouincijs, aliasque sacras facultates obtinebat. Caluentianum sacerdotium addixerat iam fabricæ collegij Ticenensis,

Carolus Mediolanū vcnit, & conculium Episcoporum celebrat.
Cap. VIII.